

«Per 14 mais essas vus en il focus»

Partida burgais-democratica dal Grischun

DA GION NUTEGN STGIER / ANR

■ **Il cusseglier guvernativ en uffizi Jon Domenic Parolini merita ina reelecziun ed il segund e nov candidat Andreas Felix haja la qualificaziun per remplazzar Barbara Janom Steiner en la regenza grischuna. Quai il facit da la saira da nominaziun da la pbd grischuna a Cuira.**

Suenter che la ps grischuna ha nominà cun *Andreas Thöny* e *Peter Peyer* per ina elecziun preleminara per la regenza grischuna ha la pbd da noss chantun nominà uffizialmain lur dus candidats. Quai èn *Jon Domenic Parolini*, il cusseglier guvernativ en uffizi, ed *Andreas Felix*, il president da partida e deputà. Sia nominaziun n'è dentant nagina surpraisa, ha el adina puspè annunzià l'ambiziun da daventar successur da *Barbara Janom Steiner*. Ella ha da sa retrair da quella missiun pervia da la regulaziun dal temp limità.

Preschent era er il president svizzer da la pbd

Manà la radunanza da nominaziun ha *Elisabeth Mani-Heldstab*, la presidenta da la pbd grischuna. Preschent era in bel dumber da delegads er cun savair che *Martin Landolt*, il president naziunal da la pbd, saja da la partida. El ha ditg che per la pbd saja da gronda valur che la secziun grischuna, sco ina da las fundaturas, dasper las secziuns Berna e Glaruna, mettia clers accents cun nominar dus candidats per las elecziuns da la regenza. Er en l'avegnir vegnia la pbd a far ina politica seriusa, reala ed orientada a la soluziun, ha punctuà Landolt. Las valurs liberalas sajan er en l'avegnir da gronda muntada per la pbd, ha ditg il giast e cusseglier naziunal. A la basa saja la pbd renviada al bun persunal e cun cusseglier guvernativ Jon Domenic Parolini ed Andreas Felix saja il Grischun en ina situaziun favuravla. Sco chatschaders hajan els dus er la



Gian Michael (a san.), il schef da fracziun da la pbd grischuna, cun Martin Landolt, il president naziunal da la pbd e cusseglier naziunal.

FOTO G. N. STGIER

pazienza duai per esser resistent cunter l'offensiva politica da dretg e da sanster, er cun esser els represchentants dad ina partida dal mez.

«Nus na duvrain naginas pre-elecziuns»

A pled è lura er vegnì *Gian Michael*, il deputà e schef da fracziun da la pbd

grischuna. El ha ditg che la defenisun dad omadus sez en la regenza grischuna na saja nagina spasegiada e quai per mintgin.

Quai saja er la raschun che la pbd haja gia nominà lur dus candidats per las elecziuns da la regenza dal 2018. Michael ha er ditg: «Nus na duvrain naginas pre-elecziuns sco la ps.» Il de-

putà da Donat ha ditg che èn ils Stadis Unids da l'America hajan las elecziuns preliminaras mussà tge fin che las tschernas uffizialas portian! La missiun elecziuns da la regenza saja per la pbd ina pulita provocaziun e senza l'engaschament da mintgin saja er grev da defender tuts dus posts en quel gre-

La fracziun è il placat da la pbd

Michael ha er ditg a Parolini ed a Felix che per ils proxims 14 mais stettian els en il focus. Mintga zap, mintga moviment e mintga reacziun vegnian analisads, examinds, controllads ed er commentads. Omadus hajan dentant il profil da supportar quella pressiu e da sa tegnair conform als fatgs. Il schef da fracziun da la pbd grischuna ha lura er appellà als preschents da vegnir activs en il cumbat electoral per las elecziuns chantunales ed esser ils multiplicatur en las regiuns, saja quai cun s'engaschar per la reelcziun da Jon Domenic Parolini, per la elecziun dad Andreas Felix sco nov cusseglier guvernativ e cunzunt er per deputadas e deputads. Ina ferma fracziun da la pbd saja indispensabla er cun esser la fracziun il placat da la pbd, ha manegià Gian Michael.

In represchentant da l'economia

Jon Domenic Parolini merita ina reelcziun, ha ditg *Emil Müller*, il deputà da la pbd e president communal da Zernez. El ha repetidamain confermà cun sia lavur, cun ses agir e cun sias decisiuns dad esser in cusseglier guvernativ capavel, fidà ed ina persuna da pled. El saja er in um che fetschia ina politica manivla al pievel e cunzunt er ina politica a favur da l'economia. Quai vegnia segir er a far Andreas Felix, ha ditg deputà *Heinz Dudli* da Zezras. Sco mainagestiu dals impresaris da construcziun grischuns haja el ina gronda vischinanza tar l'economia, el saja bler dapli che be in secretari dad ina associaziun, numnadamain ina persuna cun ina clera lingua e cunzunt er in um cun in pensar social ed economic. Andreas Felix haja las premissas per esser in bun cusseglier guvernativ ed er in candidat cun bleras abilitads positivs.